

永樂北藏

仁王般若陀羅尼釋

第一三一冊

如海一滴水 恐違大聖者 悚懼懷戰慄
猶如愚下人 手獻妙甘露 勿以輕彼故
上藥為無効 野干羅刹形 為法故應受
願以此功德 普覺諸羣有 我得離世網
遺說而修習

五字陀羅尼頌

仁王般若陀羅尼釋

唐北天竺三藏沙門大廣智不空奉詔譯

金剛手者瑜伽經釋云手持金剛杵表內心
具大菩提外表摧伏諸煩惱故名金剛手又

釋云不被三種魔破壞菩提心自體堅固成
金剛智一切如來之所建立能破斷常二邊
是故金剛智杵破邪見山證金剛定常持於
掌中故名金剛手云何菩提薩埵義覺悟真
實法覺已住生死令覺悟一切有情故名菩
提薩埵又云菩提者能覺義薩埵者有情義
亦名心亦云勇健摩訶者大義薩埵者是勇
健義不怯弱三大無數劫積集二種資糧故
名摩訶薩云何金剛摩尼此云寶金剛如前釋
寶義有六一者難得故二者淨無垢故三者

有大威德故四者莊嚴世間故五者殊勝無比故六者不變易故一難得者如來出現於世間甚難逢遇故二淨無垢者依教修行證得菩提淨無垢故三大威德者具六神通變現自在名大威德故四莊嚴世間者以三種菩薩律儀戒嚴飾身心故五殊勝無比者證得無上菩提三界特尊殊勝無比故六無變易者證得究竟無上菩提不變易故金剛摩尼顯名虛空藏菩薩是故此菩薩手捧金剛寶金剛利者般若波羅蜜金剛利劍能斷煩

惱種一切種金剛利者顯名文殊師利菩薩是故此菩薩手持金剛劍金剛藥又菩薩者金剛義如前釋藥又者威猛義亦云盡義十六金剛智普賢行中第十五智名金剛盡智以金剛藥又智牙食啗一切煩惱隨煩惱盡十一無餘金剛鈴者表般若波羅蜜義振鈴警悟愚昧異生一聞鈴音覺悟般若波羅蜜顯名摧一切魔怨菩薩是故此菩薩手執金剛鈴金剛般若波羅蜜多菩薩者金剛義如前釋波羅蜜多如先輩所釋到彼岸義今依聲明

永樂北藏

仁王般若陀羅尼釋

第一三一冊

論分句釋波藍伊^上聲多波藍彼岸義伊^上聲多
此岸義此菩薩由持金剛輪毗盧遮那佛於
上界成佛已此菩薩請如來轉金剛乘法輪
由乘此法輪般若船從此岸運載無量無邊
有情至無住涅槃岸顯名纔發心轉法輪菩
薩娜謨囉怛那怛囉夜耶歸命三寶義若持
此經人歸命佛寶即得五族金剛手菩薩以
無量眷屬侍衛加持其人此菩薩尊貴菩提
心佛從菩提心生故歸依法寶則得天帝釋
并眷屬四天王天加護何以故帝釋在危難

般若加持現獲利益是故天帝釋尊貴法寶
歸命僧寶者則得阿迦尼吒天王并五淨居
天并眷屬加護持經者爲五淨居菩薩僧并
聲聞僧衆常居彼天現法樂住梵天等悉皆
貴重娜謨阿哩夜吠路者娜野怛佗誡多夜
囉訶帝三藐三沒馱野娜謨者歸命義亦云
稽首亦云頂禮阿哩夜遠惡義此方會釋云
聖者吠路者娜野徧照義亦云大日義如世
間日照一邊不照一邊照晝不照夜照一世
界不照餘世界但得名日不得名大日毗盧

遮那大日者色身法身普周法界及盡虛空
界無邊十方世界普皆照曜若人知此佛功
德利歸命禮拜則得盡虛空徧法界一切諸
佛菩薩諸賢聖八部悉共加持護念也怛他
誡多夜囉訶帝三藐三沒馱野如來應供正
社十
徧知義先已釋娜謨阿哩野已釋三滿多跋
捺囉野三滿多者是普義跋捺囉者賢義野
字者聲明中七例八轉聲中謂聲也下同此
菩薩說三密門普賢行願一切諸佛若不修
三密門不行普賢行得成佛者無有是處既

成佛已於三密門普賢行休息者亦無是處
冒地薩怛嚩野菩薩義摩賀薩怛嚩野大菩
薩義摩訶迦嚩拏野大悲者若歸命聖普
賢菩薩則十方諸佛菩薩悉皆加護一切諸
佛菩薩皆因修三密門行普賢行得證聖果
是故尊貴怛你也二佉古云即說所謂已上
文歸命三寶毗盧遮那佛普賢菩薩枳穰娜
鉢囉你閉顯句釋智燈義密句釋智無所得
以為方便無智無得即成般若波羅蜜智燈
能照一切佛法惡此惡字梵本是姪字為隨

文句便作惡呼乞又^{合二}野句勢顯釋無盡藏
義密句釋婀字一字為種子婀字者一切法
本不生故婀字是一切字之母能生一切法
若能曉婀字門瑜伽相應則得佛法無盡藏
則悟一切法本不生猶如虛空一相清淨平
等即成無分別智也鉢囉^{社十}_{合二}底婆娜縛底顯
句釋具辯才密句釋於此句中取鉢囉^{十三}_{合二}一
字為種子鉢囉字者般若波羅蜜無所得故
以無所得為方便於後得智中悟一切法本
不生故獲得無盡佛法藏於後得智中得四

無礙解辯說法自在薩縛沒駄縛路枳諦顯
句釋一切佛所觀察義密句釋薩字一字為
種子薩字者一切法平等義能緣所緣平等
平等能取所取無所得故則證真如當於法
流無邊諸佛觀察護念喻誡跛你你澀跛^{合二}
寧顯句釋瑜伽圓成義密句釋喻字一字為
種子喻字者一切乘無所得若瑜伽觀智相
應證得圓成於諸乘中教理行果悉皆證得
一真如法性儼避^引囉弩囉縛誡^引係顯句
釋甚深難測義密句釋儼字一字為種子儼

字者一切真如法無去無來由證真如海實相般若不可以言詮唯佛境界自覺聖智證底哩野合特縛跛哩你澀跛寧顯句釋三世圓滿成就義密句釋底哩野三合梵字是一字也以此一字為種子底哩野者一切法真如平等自

性成就越恒河沙數功德真如中無過去未來現在妄分別不相應行蘊堅執惑亂有為之法冒地質多散惹娜你顯句釋能生菩提心義密句釋冒字一字為種子冒字者一切法無縛義若知自身中菩提心自性成就三

世平等猶若虛空離諸萬像則知一切有心及諸佛如自心清淨則生大悲深生憐愍則起種種方便令一切有情至於究竟離苦解脫無解無縛薩嚩毗嚩迦毗色訖諦顯句釋一切灌灑得頂義密句釋薩字一字為種

子薩字者一切法無染著義由觀察自他及諸佛心同一真如同體大悲是故不染不著則於空中一切如來法水灌頂則獲三業加持於無量修多羅藏說法自在達摩娑誡囉三步帝顯句釋法海出生義密句釋達字一

字為種子達字者一切法界無所得義由住無所得心阿賴耶識中俱生我執俱生法執種子以文殊大聖金剛利劍永截斷無餘義則流出清淨法界等流教法則成法海出生義達字者文殊師利菩薩種子阿暮伽室囉縛憊顯句釋阿暮伽古釋不空義今依聲明論釋無間義阿字一字為種子阿字者一切法本來寂靜本來涅槃由證此解脫法印徧周法界及諸佛刹大集會中於佛前所聞教法悉皆住持永不忘失摩訶三滿多跋捺囉

步彌涅理野帝顯句釋出大普賢地義密句釋摩字一字為種子摩字者一切法無我義無我有二種人無我法無我瑜伽者若證二無我則出大普賢地證毗盧遮那百福莊嚴圓滿清淨法身尾野^{杜十}合^{十五}羯囉拏跋哩鉢囉跋你顯句釋獲得記別義古文授記義密句釋尾野^{合二}一字為種子尾野字者一切法徧滿不可得義即知一切法自性寂靜自性涅槃能證所證皆同一性不增不減圓證法界薩縛悉駄娜謨塞訖哩^{合三}帝顯句釋一切成就

者禮敬義成就者菩薩之異名密句釋薩字一字爲種子薩字者一切法無堅固義念念四相遷流滅壞薩字中有婀字若證婀字門本來不生不滅亦常恒堅固喻若金剛心得自在能現種種身薩嚩冒地薩怛嚩_二散惹娜你顯句釋薩出生一切菩薩義密句釋薩字一字爲種子薩字者一切法無等義由觀此字心與般若平等平等前剎那後剎那一相清淨能生一切波羅蜜一切地即名般若佛母婆誡嚩底沒駄麼帝顯句釋世尊佛母

婆伽梵男聲婆誡嚩底女聲二俱會意釋名世尊義依聲明對敵釋不如是婆伽者破義梵能義能破四魔名婆伽梵又一釋薄阿梵依聲論分字釋薄名爲破阿梵具知阿字云不有亦云不無佛由悟一切法不生不滅不來不去不一不異不常不斷不增不減佛有如是功德故名薄伽梵又釋云薄伽梵具福智二種資糧二種資糧者婆誡嚩底女聲義釋如前密句釋婆字一字爲種子婆字者一切法有不可得有者三有義是故三界唯心

由心雜染有情雜染由心清淨有情清淨若
依顯教觀行般若作爲生因顯因能生一切
佛菩薩是故名佛母從前即說已後至佛母
句於瑜伽教中成普賢行十六行如聲聞乘
見道中十六行也阿囉妳迦囉妳阿囉拏迦

杜十

十六

囉妳阿字門一切法本不生即入一切法離
塵是故囉字門一切離塵義由知一切法離
塵故即入一切法無諍是故妳字門一切法
無諍由知一切法無諍故即入一切無造作
是故迦字門一切法無造作由知一切法無

造作故即入一切法清淨是故囉字門一切
法清淨由知一切法清淨故即入一切法無
諍是故妳字門一切法無諍由知一切法無
諍故即入一切本來寂靜是故阿字門一切
法本來寂靜由知一切本來寂靜故即入一
切法無垢是故囉字門一切法無垢義由知
一切法無垢故即入一切法無諍是故拏字
門一切法無諍由知一切法無諍故即入一
切法無造作是故迦字門一切法無造作由
知一切法無造作故即入無分別智是故囉

字門一切法無分別由知一切法無分別故
 即入一切法無動是故妳字門一切法無動
 由知一切法無動故即證摩訶般若波羅蜜
 摩訶鉢羅枳穰播羅弭帝顯句釋摩訶大慧
 到彼岸證得大般若波羅蜜故即依無住涅
 槃婆疇合訶引顯句釋無住涅槃則依無住
 涅槃乃至盡未來際廣利樂無邊有情

仁王般若陀羅尼釋

永樂北藏

仁王般若陀羅尼釋

第一三一册

音釋

掇丁括切 銳以芮切 啗徒紺切 穰汝羊切 慄慄息切 襲似入切